



# ԱՐԴԱՐԱԴԱՏՈՒԹՅԱՆ ԱԿԱԴԵՄԻԱ

## ԿԱՌԱՎԱՐՄԱՆ ԽՈՐՀՈՒՐԴ

### ՈՐՈՇՈՒՄ

23 հունիսի 2020 թ., ԿԽ-004/20

«Արդարադատության ակադեմիա» պետական ոչ առևտրային կազմակերպության՝ ապօրինի ծագում ունեցող գույքի բռնագանձմանն ուղղված գործառույթներ իրականացնող դատախազների թեկնածությունների ցուցակում ընդգրկված անձանց մասնագիտական պատրաստման 2020 թվականի ուսուցման ծրագիրը հաստատելու մասին

Դեկավարվելով «Արդարադատության ակադեմիայի մասին» ՀՀ օրենքի 6-րդ հոդվածի 1-ին մասի 12-րդ կետով, 8-րդ հոդվածի 4-րդ մասի 2-րդ կետով, «Արդարադատության ակադեմիա» պետական ոչ առևտրային կազմակերպության կանոնադրության 19-րդ կետի 10-րդ ենթակետով՝ Արդարադատության ակադեմիայի կառավարման խորհուրդը

### Որոշում է

1. Հաստատել ապօրինի ծագում ունեցող գույքի բռնագանձմանն ուղղված գործառույթներ իրականացնող դատախազների թեկնածությունների ցուցակում ընդգրկված անձանց մասնագիտական պատրաստման 2020 թվականի ուսուցման ծրագիրը, համաձայն հավելված 1-ի:

Նախագահող՝

Խորհրդի անդամներ՝

Ա. Հարությունյան

Գ. Բաղդասարյան

Ռ. Գրիգորյան



## ՈՒՍՈՒՑՄԱՆ ԾՐԱԳԻՐ

### ԱՊՕՐԻՆԻ ԾԱԳՈՒՄ ՈՒՆԵՑՈՂ ԳՈՒՅՔԻ ԲՈՒՆԱԳԱՆՁՄԱՆՆ ՈՒՂՂՎԱԾ ԳՈՐԾԱՌՈՒՅԹՆԵՐ ԻՐԱՎԱՆԱՑՆՈՂ ԴԱՏԱԽԱՂՆԵՐԻ ԹԵԿՆԱԾՈՒԹՅՈՒՆՆԵՐԻ 2020 ԹՎԱԿԱՆԻ ՑՈՒՑԱԿՈՒՄ ԸՆԴԳՐԿՎԱԾ ԱՆՁԱՆՑ ՄԱՍՆԱԳԻՏԱԿԱՆ ՊԱՏՐԱՍՏՄԱՆ

#### 1. ԸՆԴՀԱՆՈՒՐ ԴՐՈՒՅԹՆԵՐ

1. Ուսուցման սույն ծրագիրը (այսուհետ՝ Ծրագիր) ներառում է «Դատախազության մասին» ՀՀ օրենքի 38.1-րդ հոդվածով սահմանված կարգով ապօրինի ծագում ունեցող գույքի բռնագանձմանն ուղղված գործառույթներ իրականացնող դատախազների թեկնածությունների 2020 թվականի ցուցակում ընդգրկված անձանց (այսուհետ՝ Ունկնդիրներ) մասնագիտական պատրաստման կրթական չափորոշիչները, ուսուցման ձևը, ուսումնառության ժամաքանակը և ժամկետները, ինչպես նաև դասավանդվող առարկայական կուրսերի համառոտ նկարագրերը:

2. Ծրագիրը մշակվել է Արդարադատության ակադեմիայի կողմից՝ «Արդարադատության ակադեմիայի մասին» ՀՀ օրենքի 19-րդ հոդվածի հիման վրա:

3. Ծրագիրը նպատակաուղղված է Ունկնդիրների մոտ ապօրինի ծագում ունեցող գույքի բռնագանձման հարցերով զբաղվող դատախազի պաշտոնում գործելու համար անհրաժեշտ կարողությունների, հմտությունների ձևավորմանը, մասնագիտական գիտելիքների ծավալի ընդլայնմանը:

3.1. Մասնագիտական պատրաստման գործընթացը վերաբերում է քաղաքացիական իրավունքի և քաղաքացիական դատավարության տեսական և պրակտիկ հարցերին, «Ապօրինի ծագում ունեցող գույքի բռնագանձման մասին» ՀՀ օրենքի կիրառման առանձնահատկություններին և ապօրինի ծագում ունեցող գույքի բռնագանձման ոլորտում միջազգային համագործակցությանը: Ուսուցման գործընթացը նպատակաուղղված է ապօրինի ծագում ունեցող գույքի վերաբերյալ ուսումնասիրություն սկսելու հիմքերի և կարգի, գաղտնի տեղեկությունների մշակման, ապօրինի ակտիվների սառեցման ընթացակարգի, ուսումնասիրության արդյունքների ամփոփումների և եզրակացության կազմման, հաշտության համաձայնության, հաշվապահության հիմունքների, ինչպես նաև այս ոլորտում միջազգային իրավական ակտերի, միջազգային համագործակցության, ակտիվների վերականգնման միջազգային և ներպետական կառուցակարգերի, ակտիվների հետախուզման և ֆինանսական վերլուծությունների վերաբերյալ Ունկնդիրների գիտելիքների ընդլայնմանն ու գործնական հմտությունների ձևավորմանը:

4. Ծրագիրն իրականացվում է առկա ուսուցման ձևով:

4.1 «Արդարադատության ակադեմիայի մասին» ՀՀ օրենքում փոփոխություններ և լրացումներ կատարելու մասին» ՀՀ օրենքի 7-րդ հոդվածի 3-րդ մասի համաձայն՝ «Դատախազության մասին» ՀՀ օրենքի 38.1-րդ հոդվածով սահմանված կարգով ապօրինի ծագում ունեցող գույքի բռնագանձման հարցերով զբաղվող ստորաբաժանման դատախազների թեկնածությունների ցուցակում ընդգրկված անձանց առաջին խմբի մասնագիտական պատրաստման ուսուցման ծրագիրը ընդգրկում է միայն Արդարադատության ակադեմիայի կառավարման խորհրդի կողմից նախատեսված պարտադիր առարկայական կուրսերը:



5. Ուսուցումն իրականացվում է դասախոսությունների, սեմինար և գործնական պարապմունքների, ինչպես նաև ունկնդիրների ինքնակրթությունը խրախուսող կրթական արդի եղանակների կիրառման միջոցով:

6. Ուսումնառության ընդհանուր ժամաքանակը սահմանվում է 244 ակադեմիական ժամ:

7. Ուսումնառության տևողությունը սահմանվում է 8 (ութ) շաբաթ (2020թ. հուլիսի 6-ից օգոստոսի 28-ը):

## II. ՈՒՍՈՒՄՆԱՌՈՒԹՅԱՆ ԺԱՄԱՆԱԿԱՅԻՆ ԿԱՌՈՒՅՎԱԾՔ

	Դասընթացների ժամաքանակ	Քննաշրջանի ժամաքանակ	Փորձաշրջանի ժամաքանակ	Ընդհանուր ժամաքանակ
<b>Ուսուցման 1-ին հատված</b>  (հուլիսի 6- հուլիսի 31)	120 ժամ (2 դասընթաց)	2 ժամ (1 քննություն)	—	122 ժամ
<b>Ուսուցման 2-րդ հատված</b>  (օգոստոսի 3- օգոստոսի 28)	120 ժամ (2 դասընթաց)	2 ժամ (1 քննություն)	—	122 ժամ
<b>ԸՆԴՀԱՆՈՒՐ</b>	<b>240 ժամ</b>	<b>4 ժամ</b>	<b>—</b>	<b>244 ժամ</b>

## III. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՒՐՍԵՐԻ (ԴԱՍԸՆԹԱՅՆԵՐԻ) ՑԱՆԿ

### 1. Ուսուցման 1-ին հատվածի դասընթացների մոդուլ

№	Դասիչ	Անվանում	Ժ/ք
1.	PC-C-022-20	Քաղաքացիական իրավունքի արդի հարցեր	50
2.	PC-C-029-20	Քաղաքացիական դատավարության արդի հարցեր	70
<b>ԸՆԴՀԱՆՈՒՐ</b>			<b>120</b>

### 2. Ուսուցման 2-րդ հատվածի դասընթացների մոդուլ

№	Դասիչ	Անվանում	Ժ/ք
3.	PC-S-050-20	«Ապօրինի ծագում ունեցող գույքի բռնագանձման մասին» օրենքի կիրառման առանձնահատկությունները	60
4.	PC-S-051-20	Ակտիվների վերականգնման միջազգային փորձը և այդ ոլորտում համագործակցությունը	60
<b>ԸՆԴՀԱՆՈՒՐ</b>			<b>120</b>

IV. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՒՐՍԵՐԻ (ԴԱՍԸՆԹԱՑՆԵՐԻ)  
ՀԱՄԱՌՈՏ ՆԿԱՐԱԳԻՐԸ

**1. PC-C-022-20. Քաղաքացիական իրավունքի արդի հարցեր**

Դասընթացը պայմանավորված է օրենսդրական զարգացման արդյունքում քաղաքացիաիրավական ոլորտում ներդրված նոր ինստիտուտների, փոփոխության ենթարկված դրույթների, դրանց կիրառման վերաբերյալ իրավաբանական գրականության մեջ առկա մոտեցումների, քաղաքացիական իրավունքի այլ նորմերի կիրառման առանձնահատկությունների, դրա արդյունքում բացահայտված խնդրահարույց և վիճելի հարցերի վերաբերյալ ապօրինի ծագում ունեցող գույքի բռնագանձմանն ուղղված գործառույթներ իրականացնող դատախազների թեկնածությունների ցուցակում ընդգրկված անձանց տեսական և պրակտիկ գիտելիքների ու հմտությունների փոխանցման, ՄԻԵԴ, ՀՀ Սահմանադրական դատարանի, ՀՀ Վճռաբեկ դատարանի ակտերում արտահայտված իրավական դիրքորոշումների ներկայացման, ինչպես նաև ստացած գիտելիքները գործնականում կիրառելու կարողությունների ձևավորման անհրաժեշտությամբ:

Դասընթացը ներառում է՝

- քաղաքացիական իրավունքի սուբյեկտները և օբյեկտները,
- սեփականության իրավունքը և այլ գույքային իրավունքներ, մասնավորապես՝
  - սեփականության իրավունքի ծագման, փոփոխման և դադարման առանձնահատկությունները,
  - ապահովված իրավունքը և այլն.
- գործարքները, մասնավորապես՝
  - գործարքի տեսակները, քաղաքացիաիրավական գործարքների վավերության պայմանները.
- պարտավորական իրավունքի արդի հարցերը, մասնավորապես՝
  - քաղաքացիաիրավական պատասխանատվության առանձնահատկությունները պարտավորական իրավունքի ինստիտուտում (տոկոսների հաշվարկման կարգի առանձնահատկությունները),
  - վնաս պատճառելու և անհիմն հարստացման հետևանքով ծագած պարտավորությունները,
  - ոչ նյութական վնասի հատուցման կարգը և պայմանները.
- միջազգային մասնավոր իրավունքի արդի հարցերը, մասնավորապես՝
  - կոլիզիոն նորմերի կիրառման առանձնահատկությունները,
  - պայմանագրային հարաբերությունների միջազգային մասնավոր-իրավական կարգավորման առանձնահատկությունները.
- արժեթղթերի իրավական կարգավորման առանձնահատկությունները:

Գնահատումն իրականացվում է բանավոր եղանակով՝ PC-C-029-20 դասընթացի հետ համատեղ:

**2. PC-C-029-20. Քաղաքացիական դատավարության արդի հարցեր**

Դասընթացը պայմանավորված է քաղաքացիական դատավարության կատարելագործման ուղղությամբ իրականացված բարեփոխումների, ՀՀ քաղաքացիական դատավարության նոր օրենսգրքում ներդրված ինստիտուտների ուսումնասիրության, դրանց վերաբերյալ տեսական և գործնական գիտելիքների ու հմտությունների փոխանցման, ՄԻԵԴ, ՀՀ Սահմանադրական դատարանի, ՀՀ Վճռաբեկ դատարանի ակտերում արտահայտված իրավական դիրքորոշումների ներկայացման, ինչպես նաև ստացած գիտելիքները գործնականում կիրառելու կարողությունների ձևավորման անհրաժեշտությամբ:

Դասընթացը ներառում է՝



- քաղաքացիական դատավարության սկզբունքները, փուլերը, կողմերը,
  - հայցի հարուցումը և ապացույցի ապահովումը,
  - քաղաքացիական գործը դատաքննության նախապատրաստելու արդի հացերը,
  - ապացուցումը, ապացույցների գնահատման հմտությունները,
  - դատաքննության հիմնահարցերը,
  - հայցի ապահովման, հակընդդեմ ապահովման և նախնական ապահովման կիրառման առանձնահատկությունները,
  - հատուկ հայցային վարույթի առանձնահատկությունները,
  - հատուկ վարույթի գործերով քննության առանձնահատկությունները,
  - պարզեցված ընթացակարգով գործերի քննության առանձնահատկությունները,
  - օտարերկրյա դատական ակտերը ճանաչելու և կատարման թույլատրելու վերաբերյալ դիմումներով, ֆինանսական համակարգի հաշտարարի որոշումը չեղյալ ճանաչելու և ֆինանսական համակարգի հաշտարարի որոշման հարկադիր կատարման համար կատարողական թերթ տալու վերաբերյալ դիմումներով, ինչպես նաև արբիտրաժի վճիռը չեղյալ ճանաչելու, արբիտրաժի վճռի հարկադիր կատարման համար կատարողական թերթ տալու, օտարերկրյա արբիտրաժային վճիռների ճանաչման և հարկադիր կատարման, արբիտրաժին դատական աջակցություն ցուցաբերելու վերաբերյալ դիմումներով գործերի վարույթների առանձնահատկությունները,
  - վճարբեկ և վերաքննիչ դատարաններում վարույթների առանձնահատկությունները,
  - օտարերկրյա անձանց մասնակցությամբ գործերի վարույթի առանձնահատկությունները,
  - քաղաքացիական գործերով իրավական օգնության առանձնահատկությունները,
  - դատավարության նորմերի կիրառման հետ կապված այլ հիմնահարցեր,
  - դատավարական փաստաթղթերի կազմման հմտություններ:
- Գնահատումն իրականացվում է բանավոր եղանակով՝ PC-C-022-20 դասընթացի հետ համատեղ:

### **3. PC-S-050-20. «Ապօրինի ծագում ունեցող գույքի բռնագանձման մասին» օրենքի կիրառման առանձնահատկությունները**

Դասընթացը պայմանավորված է ապօրինի ծագում ունեցող գույքի վերաբերյալ ուսումնասիրություն սկսելու հիմքերի և կարգի, գաղտնի տեղեկությունների մշակման, ապօրինի ակտիվների սանեցման ընթացակարգի, ուսումնասիրության արդյունքների ամփոփումների և եզրակացության կազմման, հաշտության համաձայնության, հաշվապահության հիմունքների վերաբերյալ տեսական ու գործնական գիտելիքների ու հմտությունների փոխանցման, ինչպես նաև դրանք գործնականում կիրառելու կարողությունների ձևավորման անհրաժեշտությամբ:

Դասընթացը ներառում է հետևյալ թեմաները.

- ապօրինի ծագում ունեցող գույքի բռնագանձման վարույթի առանձնահատկությունները,
- գույքի հետախուզում և ֆինանսական վերլուծություններ,
- էլեկտրոնային բազաներից օգտվելու հմտություններ,
- վարույթային փաստաթղթեր կազմելու հմտություններ:

Գնահատումն իրականացվում է բանավոր եղանակով՝ PC-S-051-20 դասընթացի հետ համատեղ:

### **4. PC-S-051-20. Ակտիվների վերականգնման միջազգային փորձը և այդ ոլորտում համագործակցությունը**

Դասընթացը պայմանավորված է Ունկնդիրներին ապօրինի ծագում ունեցող գույքի բռնագանձման ոլորտում ակտիվների հետախուզման և ֆինանսական վերլուծությունների, ակտիվների վերա-

կանգնման միջազգային և ներպետական կառուցակարգերի, միջազգային համագործակցության վերաբերյալ գիտելիքներ հաղորդելու անհրաժեշտությամբ:

Դասընթացը ներառում է հետևյալ թեմաները.

- ակտիվների վերականգմանն առնչվող միջազգային իրավական փաստաթղթերը,
- ակտիվների վերականգման ոլորտում միջազգային համագործակցության գործիքակազմը,
- ակտիվների վերականգման ներպետական մոդելները և փորձը:

Գնահատումն իրականացվում է բանավոր եղանակով՝ PC-S-050-20 դասընթացի հետ համատեղ:

**Նիստը նախագահող**



**Ա. Հարությունյան**